

武進顧實著

穆天子傳西

地攷

宣南編譯社刊行

穆天子傳西征今地攷

武進顧 實箸

易曰天行健。君子以自彊不息。豈不然哉。萬象昭回。布濩六合。一大宇宙之分。而爲無數之小宇宙也。大宇宙之目的。何在活動也。小宇宙之目的。何在亦活動也。活動之力。愈大愈強者。進化而生存活動之力。愈小愈弱者。退化而滅亡。昔有夏之盛。少康以一成一旅而中興。及末孫桀。而以天下受制於七十里之湯。金阿骨打。清努爾哈赤之興。其所以興者。何如。而金之亡於遼。清之退位而共和。前者如馴羊。乞生於貪狼。而不可得。後者。幸逢嘉會。猶得安享尊榮。今者。吾中華。以四萬萬里之土地。四百餘兆之人民。而受制於土地人民。未嘗倍蓰於吾之國。嗟吾國民。同胞亦曾憶及吾上古祖先。有至大活動力之歷史耶。使果猶憶之者。則吾今日之國民。祇有羞死已耳。坐以待亡已耳。蓋昔者黃帝堯。

禹。周。穆。王。皆。嘗。西。至。西。王。母。即。抵。今。波。斯。其。足。跡。之。所。騁。何。等。豪。健。豈。若。今。吾。同。胞。之。暖。暖。姝。姝。伏。閨。幃。而。飾。起。居。甚。至。老。死。不。出。鄉。里。一。步。被。人。譏。笑。爲。女。性。之。國。民。者。哉。賈。子。新。書。修。政。語。上。云。黃。帝。濟。東。海。入。江。內。西。濟。積。石。涉。流。沙。登。於。崑。崙。堯。教。化。及。雕。題。蜀。越。撫。交。趾。身。涉。流。沙。地。封。獨。山。西。見。王。母。訓。及。大。夏。渠。搜。北。中。幽。都。狗。國。此。言。黃。帝。及。堯。之。西。征。也。山。海。經。穆。天。子。傳。二。書。專。爲。誌。夏。禹。周。穆。王。之。故。事。禹。之。西。征。繼。堯。之。業。然。黃。帝。堯。禹。之。西。征。必。得。穆。天。子。傳。一。書。互。證。之。而。後。大。明。蓋。黃。帝。堯。禹。穆。王。西。征。所。經。之。地。同。而。穆。天。子。傳。叙。西。征。所。經。之。地。至。爲。詳。明。故。也。某。年。愚。執。教。鞭。某。校。專。任。歷。史。慨。上。古。史。之。多。缺。本。平。素。之。攷。據。意。欲。有。所。纂。輯。而。先。取。山。海。經。穆。天。子。傳。二。書。地。理。攷。審。今。地。所。在。意。以。太。古。地。理。既。明。則。歷。史。之。地。盤。先。定。而。太。古。史。始。有。可。言。也。蓄。念。既。久。攷。證。益。多。民。國。四。年。暑。假。之。休。乃。都。集。舊。聞。先。成。穆。

天子傳西征今地攷一篇都二萬數千言以附晉郭璞傳之後嗚呼使郭景純死而有知將唏愚爲畏友乎蓋取證古今要籍暨地理專書比互鈎稽穆天子西征所經今地所在一一審勘之餘存疑著信闕所未聞大要可覩確而不謬方穆王命駕八駿之乘親率七萃之士六師之人自今之直隸正定府而詣山西省出雁門關繞河套外抵今甘肅西甯踰湟河入青海道出河源及巴顏哈喇山越前後藏登帕米爾大山折而東截帕米爾山北經喀什噶爾河循塔里木河上流至和闐復西自葉爾羌走踰今布哈爾轉入波斯更自波斯折而北直抵今裏海黑海俄羅斯南部間之大曠原大獵三月而還東南逾今俄屬西比利亞向新疆之天山北路逾天山沿塔里木河羅布泊道哈密長驅至外蒙古土謝圖汗復南沿河套而南至山西之蒲州又東至直隸之井陘東長驅而西逾太行越河乃歸河南宗周是其車轍馬跡之所至勢如疾

風驟雨豈真八駿日行萬里耶。要以比諸蒙古初興兵行所經之猛銳。不獨無多讓寧爲遠過之也。七萃之士六師之人亦能尾隨八駿之乘。而從征計周自武王開國至穆王已五傳守成之君民猶能如是之大活動非真中國史上僅見之事哉。若黃帝堯禹之西征皆在開國之初。其大活動更可想而知吾人居今日而念祖數典正惟有望風傾倒興思古之幽情於無窮已耳。或謂巖阻如衛藏戈壁大山重重於今莫通而穆王經行亦遽履險如夷長驅直前意者穆傳一書野史寓言未必實有其事之作耳。則此說也。又何以解於黃帝堯禹之西征殊不知西方道途日就荒蕪豈得執後起之變故而一概論之彼羣化史上已嘗示吾人以公例人類交通自山岳交通而進至河流交通自河流交通而進至洋海交通則上古當山岳交通時代度其交通便利自必有較愈於後世今日者在不然則何以穆王西征所經山川符合今地者年

隔三千載而猶歷歷如昨也。此豈可以僞爲也哉。楚辭天問云：「穆王巧梅，夫何爲周流環理天下，又何索求？」此屈子囿居荆楚，不見四方，故作疑問，藉抒悃忱，而豈可據以爲藉口。古人已有懷疑者，耶？今使穆傳西征所經歷，漢魏訖今，每晦而莫明者，一旦匯羣書而證明之，得七八梗概，粗具世多抱民族思想之君子，偷亦所樂聞焉。其山川今地可曉不可曉，一一條考於後。

穆天子傳：天子北征，乃絕漳水。郭註：漳水今在鄴縣。

愚案：晉時鄴縣在今河南彰德府。竹書紀周穆十二年冬十月，王北巡狩，遂征犬戎。穆天子北征在此時也。

至于鉞山之下。郭註：即井鉞山，今在常山石邑縣。

愚案：井鉞山即井陘山也。鉞陘一聲之轉。山在今直隸正定府井陘縣。晉石邑縣在今正定府獲鹿縣東南。

北循虜沱之陽。郭註。虜沱河。今在雁門鹵城縣。陽水北。

愚案。虜沱水源出今山西代州繁峙縣。晉鹵城縣在今繁峙縣東一百里。

天子北征于犬戎。犬戎□胡觴天子于當水之陽。

愚案。當水疑即爲今代州五台縣東之清水河。洪煊頤謂即下文之雷水。地望不符。非是。意當時犬戎或據有今五台山之地歟。五台山有清涼寺。相傳周穆王時。文殊師利卓錫於此。爲佛教入中國之初地。殆未可據以爲信也。

天子西征。乃絕隴之關。郭註。隴謂北陵西隴。西隴。雁門山也。音俞。

愚案。郭註據爾雅釋地之文。西隴。史記趙世家作先俞。同音通段。字今

山西代州雁門縣雁門關是也。

至于焉居禹知之平。天子西征。至于鄠人。

愚案焉居禹知之平。郭註云疑皆國名。今不可考。鄠路史國名紀作鄠。字形之訛。非二字也。鄠國地當在今山西歸綏道及察哈爾右翼四旗境內。

天子舍于漆澤。乃西釣于河。天子獵于滲澤。天子飲于河水之

阿。天子屬六師之人于鄠邦之南。滲澤之上。

愚案。漁澤。滲澤。當爲一澤。漆滲字形相近。致訛。後又作澡。滲澡二字古書尤易相混。今山西歸綏道歸化廳有圖爾根河。逕薩拉齊廳南境。又西南匯爲澤。西流入河。其澤即水經註之所謂沙陵湖。沙陵之合音與滲澡字音皆相近。此湖即是滲澤矣。河水之阿。阿者水之曲隅也。即河套之折而南還所成之曲隅也。後穆王東歸。鄠伯亦觴王於澡澤之上。斲多之汭。河水之所南還。今圖爾根河下流之澤入河處。正在黃河自

西來折而南還之所愈足證明其澤即沙陵湖即澡澤然云酈邦之南
滲澤之上則此澤猶在酈邦之南境而酈之北境不言所在未可知矣
天子西征。鶩行至于陽紆之山。河伯馮夷之所都居。是惟河宗氏。

愚案。陽紆一地。孫貽讓周禮夏官職方氏正義攷之最詳。山海經爾雅
呂覽淮南諸書亦作楊紆。陽華。陽陟。陽盱。皆同音通。段字蓋本一山也。
衍而爲藪。其地跨境甚廣。而山在藪之西。河伯都焉。今就可以證明穆
傳之古書而舉之。竹書紀穆王十三年春。祭公帥師從王西征。次于陽
紆。卽同此一事。又山海經海內北經云。陽紆凌門之山。河出其中。
淮南子修務訓云。禹之爲水。以身解於陽盱之阿。凌龍一音之轉。
凌門卽龍門。龍門山在今陝西同州府韓城縣東北。山西解州河津縣
西北夾河爲險。故曰河出其中。然陽紆實與之大異。夫云陽紆凌門。陽
紆次居龍門之先。陽紆自當在龍門之上游。禹於開鑿龍門以上之河。

費功最鉅。故有解身之舉。史記趙世家云：「奄有河宗。」張守節正義曰：「河宗蓋在龍門河之上游。嵐勝二州之地也。」唐嵐州爲今山西太原府嵐縣。地勝州爲今蒙古內爾多斯右翼後旗地。唐人猶知河宗故墟。陽紆在河宗之邦。以此推測。是陽紆西北跨今河套外。東南跨今山西嵐縣。河出其中。與河出龍門之中。逾地之廣狹相差懸殊矣。穆天子此時所抵陽紆之山河宗之邦。正在今河套之北岸。史記蒙恬列傳：「渡河據陽山。」水經註：「河水自臨河縣東逕陽山。」疑陽山即陽紆山之省。評今鄂爾多斯右翼後旗北河外翁金隆迤東達德爾諸山。其卽穆天子傳所云陽紆之山乎。

河宗伯天。逆天子于燕然之山。天子大朝于燕然之山。河水之阿。河宗伯天西向。沉璧于河。

愚案據傳文「燕然之山。河水之阿。」阿曲隅也。山當此今河套之西。

北曲隅外。其曲隅即黃河自出。長城北流。更折而東行之處也。與前言河水之阿。當河套之東北隅者。絕不相蒙。今鄂爾多斯右翼後旗界內。河套之西北。黃河故道之曲隅外。有哈那那林烏拉嶺。其即穆傳燕然之山歟。漢時燕然山即今杭愛山。則燕然之山原本綿地甚廣。其西向沈壁于河地未詳。蓋設位爲之歟。

天子大朝于黃之山。伯天皆致河典。乃乘渠黃之乘。爲天子先。以極西土。天子西濟于河。爰有溫谷樂都。河宗氏之所游居。

愚案黃之山未詳。渠黃吉。量音近。殆即一物。駿馬也。水經註「湟水又東逕樂都城南。」孫星衍曰「穆天子傳溫谷樂都即此。」南涼禿髮烏孤曾大城樂都而居之。隋唐爲湟水縣。據地志諸書。即今西甯府碾伯縣治。然碾伯在湟水濱。穆王自河套繞行至此。無河可濟。若必濟河而至此。非穆王朝于燕然山之後。已南踰河。即溫谷樂都非此湟水之

濱。抑。或。樂。都。固。即。濱。湟。水。而。溫。谷。別。有。地。在。今。西。甯。府。之。黃。河。南。貴。德。廳。有。煖。水。河。疑。即。溫。谷。所。在。豈。穆。王。濟。河。至。此。之。後。而。迴。數。及。湟。水。之。濱。故。跨。稱。溫。谷。樂。都。歟。又。後。言。自。陽。紆。之。山。至。於。西。夏。氏。當。爲。此。際。同。時。所。至。另。詳。後。攷。

用。伸。□。八。駿。之。乘。以。飲。於。枝。峙。之。中。積。石。之。南。河。郭。註。水。岐。成。峙。峙。小。渚。也。積。石。山。名。今。在。金。城。河。關。縣。南。河。出。北。山。而。東。南。流。

愚。案。晉。河。關。縣。在。今。甘。肅。西。甯。府。貴。德。廳。西。或。謂。在。蘭。州。府。河。州。西。者。非。是。積。石。所。在。漢。書。地。理。志。言。積。石。山。在。金。城。河。關。縣。西。南。羌。中。最。爲。明。確。今。青。海。土。爾。扈。特。旗。南。前。旗。之。西。南。積。石。山。是。也。唐。人。名。曰。大。積。石。齊。召。南。水。道。提。綱。大。雪。山。卽。古。積。石。山。元。史。所。謂。亦。耳。麻。不。莫。刺。今。番。名。猶。然。本。古。析。支。地。黃。河。繞。積。石。山。南。東。北。三。面。曲。如。鉤。形。故。亦。稱。河。曲。穆。王。飲。於。其。南。之。河。上。故。稱。積。石。之。南。河。枝。峙。則。河。中。之。小。渚。

也。其地未詳。禹貢雍州貢道浮於積石。賈子新書修政語上。堯西濟積石。皆足證積石實在上古之世。當東西交通孔道之衝矣。

封膜畫于河水之陽。以爲殷人主。

愚案後言自西夏氏至於珠余氏。及河首千又五百里。詳其道里。膜畫之封。其即當在河首乎。今青海之柴達木河區域。亦稱色爾騰平川。或卽其地。膜畫必殷人之支裔。故封以爲殷人主。則今青海之地。亦舊華。人血系之所支配地矣。

天子西南升口之所主居。爰有大木碩草。爰有野獸。可以畋獵。

愚案山海經西次三經之首曰「崇吾之山。在河之南。北望遂冢。南望崑崙之澤。西望帝之搏獸之丘。東望螭淵。」此搏獸之邱。當卽穆天子傳所謂可以畋獵之地。搏獸之丘。在崇吾山之西。而崇吾山在黃河之南。知此時穆王已踰河而西南。其道里正合。又崇吾山四望之山澤。惟南。

望。崑。之。澤。當。即。西。次。三。經。鍾。山。東。之。崑。厓。文。選。思。立。賦。云。「瞰。瑤。谿。之。赤。岸。兮。」又。謂。之。瑤。谿。崑。崑。瑤。古。今。字。而。云。是。赤。岸。疑。即。赤。水。之。澤。爲。今。金。沙。江。上。源。然。則。崇。吾。山。當。爲。今。巴。顏。喀。喇。山。而。可。以。畋。獵。之。地。當。在。巴。顏。喀。喇。山。迤。西。之。地。其。有。大。山。碩。木。者。山。海。經。「昆。侖。有。汜。林。方。三。百。里。」楚。辭。哀。時。命。云。「望。閬。風。之。板。桐。」板。桐。即。汜。林。蓋。其。地。荒。蕪。未。闢。正。在。草。木。禽。獸。繁。殖。之。區。也。

天。子。已。飲。而。行。遂。宿。於。崑。崑。之。阿。赤。水。之。陽。郭。註。昆。侖。有。五。色。水。赤。水。出。東。南。隅。而。東。北。流。皆。見。山。海。經。

愚。案。莊。子。天。地。篇。「黃。帝。遊。乎。赤。水。之。北。登。乎。昆。侖。之。丘。而。南。望。」與。穆。天。子。傳。言。崑。崑。之。阿。在。赤。水。之。陽。正。合。陽。水。北。也。夫。云。登。昆。侖。之。丘。而。南。望。則。崑。崑。丘。在。偏。北。可。知。故。山。海。經。海。內。西。經。云。「崑。崑。之。虛。方。八。百。里。」虛。墟。古。今。字。虛。丘。一。也。與。此。穆。傳。言。逕。積。石。逾。河。而。西。南。又。

逕逾可以畋獵之地。而後之昆侖之阿赤水之際。比互證之。俱足見昆
侖之墟。決不能如近人所說。盡舉今西藏大平原以當之。之大。鄒代
鈞西征記程。又山海經海內西經淮南子墜形訓廣雅釋地水經註
諸書大都言昆侖四陲出水。而山海經尤爲明白。可據昆侖東北陲之
河水出。今新疆焉耆府逾羅布泊至阿斯騰塔嶺之南而復出。參照
後攷黑水條內攷河水。其西北陲之洋水黑水出。今葱嶺于闐分流
東合而爲塔里木河。其西南陲之弱水青水出。今西藏此弱水與禹貢
之弱水迥異。當即今後藏札什倫布至阿里部之陸海。與今滿洲之窩
集古稱弱水正同一理。參照附註。而其下流即鴉魯藏布江青水。當
即喀喇烏蘇江下流爲怒江。番語喀喇之義爲黑。青黑色相近。因訛爲
黑水。出於後起之變。漢書司馬相如傳大人賦謂三足青鳥爲三足
鳥。烏色黑是青黑。古本有相通之例。或以爲即禹貢梁州之黑水。董

祐誠諸家之說）非也。山海經明言弱水青水東行，又北，又西南相並而行。與今鴉魯藏布江哈喇烏蘇江二水並行之方向，膾合是弱水青水非即此二江而何。至於崑崙東南陬之赤水，董祐誠謂「金沙江上源三曰那木齊圖烏蘭木倫河托克托乃烏蘭木倫河喀齊烏蘭木倫河蒙古語謂赤色爲烏蘭，蓋卽赤水」。其說是也。惟山海經言赤水東行而南流入於南海，厭火東則古人地理之特別法（說見後考黑水條內）以爲下流接今富良江卽紅河入今越南之東京灣而不顧其入岷江與河有重源之說同一類例矣。又大荒西經云「西南海之外流沙之濱，赤水之後，黑水之前，有大山，名曰昆侖之丘，其下有弱水之淵環之，其外有炎火之山，投物輒然」。西南海卽青海及附近諸海，流沙卽蒙古及新疆之戈壁，黑水赤水之定前後位置猶今藏地之前後相類，弱水之淵環其下則後藏陸海及鴉魯藏布江附近環列之唐

格。拉。攸。木。騰。格。里。羊。卓。雍。諸。湖。泊。俱。是。弱。水。之。淵。炎。火。之。山。在。其。外。則。今。新。疆。自。喀。喇。和。卓。歷。土。魯。番。喀。喇。沙。爾。庫。車。北。之。一。帶。火。焰。山。古。亦。謂。之。燭。龍。或。作。遵。龍。是。也。以。上。據。山。海。經。一。面。將。難。讀。之。古。書。逐。一。解。說。一。面。將。崑。崙。山。之。四。圍。全。數。劃。清。界。限。而。昆。侖。之。四。界。既。明。則。崑。崙。所。在。自。當。以。在。今。後。藏。新。疆。之。交。托。古。茲。達。阪。山。爲。即。古。崑。崙。之。真。身。而。所。謂。崑。崙。之。丘。在。是。矣。然。則。穆。王。此。時。所。宿。崑。崙。之。阿。赤。水。之。陽。尙。在。今。小。金。沙。江。源。之。北。青。海。境。內。之。極。西。離。騷。云。『忽。吾。行。此。流。沙。兮。遵。赤。水。而。容。與。』亦。與。大。荒。西。經。言。『流。沙。之。濱。赤。水。之。後。』之。說。脗。合。故。今。青。海。之。極。西。與。新。疆。之。焉。耆。府。和。闐。州。鄰。近。諸。地。又。實。在。上。古。當。東。西。交。通。孔。道。之。衝。雖。今。已。爲。大。山。戈。壁。重。阻。不。通。然。古。人。言。西。行。必。登。崑。崙。通。道。自。在。其。間。可。無。疑。也。

附註 後漢書云「夫餘國北有弱水」晉書云「挹婁國東濱

大海北極弱水。唐書云：「貞觀二年以奚國阿會部爲弱水州。」何秋濤朔方備乘斷爲弱水卽今吉黑二省之哈湯二省之境東抵大海北至俄羅斯一帶皆叢林密樹鱗次櫛比號爲樹海廣袤幾五六千里人迹不至陽景罕落樹葉常積數尺許雨水泉水皆不能流盡爲泥滓入者必陷疑於不能載物故古稱弱水非別有一水謂之弱水也準斯以談則今西藏自札什倫布至阿里入夏四山水雪融化下流隨地皆水夙有陸海之名雖秋冬水涸風高沙礫飛揚蔽障天日然古時必爲大草大木蕃蕪之區容與北滿之弱水相類似故古稱弱水非誕說矣。

爰有鸚鳥之山

愚案鸚疑卽僊之別體。鸚從堊得聲。僊從畧得聲。堊畧皆從西得聲。是鸚僊古音同得相通也。山海經西山經云：「山帝戮欽礪鍾山之東嵒岨。」

欽鴟化爲大鶚。嵒厓說見前。與此鴟鳥之山在赤水之北正相近。鴟鳥者其即欽鴟之化身歟。

天子升于崑崙之丘。以觀黃帝之宮。郭註黃帝巡游四海登昆侖

山起宮室于其上見新語。

愚案水經註引「釋氏西域記曰阿耨達大山其上有大淵水宮殿樓觀甚大焉山即崑崙山也穆天子傳曰天子升于昆侖觀黃帝之宮黃帝宮即阿耨達宮也」此酈道元之說也然阿耨達大山卽今西藏阿里部之岡底斯大山阿耨達池卽岡底斯山南之瑪珀達賴池在山海經正爲弱水青水所出之崑崙西南陬一隅指一隅之地殊未足以當昆侖丘且計此時穆王經行道地亦實未至岡底斯山良由後世昆侖四陬出水之地不明故酈氏以釋氏所記來相附會歟今攷定昆侖之邱在托古茲達阪附近惜黃帝故宮遺址後世莫傳今無可尋究耳郭

註引陸賈新語之說亦見僞列子張湛註今新語無此文。

天子北征舍于珠澤以鈞于流水珠澤之藪方三十里天子口崑

崙以守黃帝之宮南司赤水而北守春山之寶

愚案珠澤有流水未審卽今後藏北境之巴哈納木爾池否春山卽山海經之鍾山春鍾同音字郭註山海經已言之穆天子傳春山在崑崙之北與山海經崑崙在鍾山之南正合南司赤水北守春山之寶見昆侖與赤水相接之密亦可爲崑崙地面並不荒廣之證然赤水實在昆侖之東南而春山實在其西北畧舉而言故祇云南北耳春山卽今帕米爾諸山見後自崑崙至春山當經今後藏北境至帕米爾高原今大山戈壁障之人跡希通惟知新疆之克勒底雅至後藏之招正葉爾羌至阿里之阿魯克城皆有通路而皆與穆王經行之途不合不知其通道何在也

天子北升於春山之上。以望四野。曰：春山是惟天下之高山也。孳木華不畏霜雪。天子於是取孳木華之實。曰：春山之澤。清水山泉。溫和無風。飛鳥百獸之所飲食。先王所謂縣圃。曰：春山百獸之所聚也。飛鳥所棲也。爰有赤豹、白虎、熊羆、豺狼、野馬、野牛、山羊、野豕、爰有白鳥、青鷗、執犬、羊、食豕、鹿。

愚案：山海經一書。同一山水而有數名稱者。不一其例。既見於此。而又復見於彼者。亦不一其例。故西山經有鍾山。北山經又有邊春之山。北山經云：「邊春之山多葱。」郭註：「或作春山。」邊春之山即春山可知。更觀穆天子傳春山之範圍甚廣。（攷見後穆王歸里西土之數條下）此當以其在邊隅之一部故名。曰邊春之山。歟。其山上生葱。顏師古漢書註已引西河舊事以證明之。今人在新疆目驗著書者亦言其上多生野葱。足證山海經之言不謬。葱嶺本帕米爾諸山之一峰。春山

即今帕米爾諸山。故得兼有今之葱嶺也。春山之澤。即今帕米爾山之哈拉庫爾湖。俗猶呼之曰大龍池。近蔣觀雲先生著中國人種攷。歷引僧惠生立裝及馬可保羅之紀行。皆記載此湖。證據甚詳。茲節錄其所稱引者云。西域記。商彌國東北踰山。至波謎羅川（即帕米爾）中有大龍池。東西三百餘里。南北五十餘里。據大蔥嶺內。當瞻部洲中。其地最高也。水乃澄清皎鏡。莫測其深。色帶青黑。味甚甘美。潛居則鮫鱓魚。龍黿鼉龜鼈。浮游乃鴛鴦鴻雁。鴛鴦鵝鸚鵡。諸鳥大卵。遺棄荒野。或草澤間。或沙渚上。（中略）厥後千八百三十八年。英國將士烏德氏。歷險至此。遂證馬可保羅所言。謂帕米爾之原。高於海面一千五百六十丈。土人呼之爲地頂。前有大湖。土人呼之爲草肥澤。此草食瘦馬。不至二十日。即臞壯力健。（中略）今據地理家所考究。此湖居嶺頭。一萬三千百九十九尺之高。雪山四繞。周圍凡二十七八里。中有大島。水含鹽氣。然少。

苦味。畜類好食之。湖畔諸溪多草。爲土人之好牧地。水中有魚。又禽鳥衆多。環集湖邊。以上蔣先生自言以爲與穆天子傳所謂春山之澤云云。悉合其說是也。惟先生又謂此湖卽阿耨達池。則不如鄒代鈞西征記程說阿耨達池之通。又謂山海經崑崙南淵深三百仞（當是今羊卓雍湖）亦卽此湖。則不知崑崙南淵係指藏中諸湖說。皆紕繆未敢苟同。至如山海經云。槐江之山。實惟帝之平圃。郭註卽立圃也。蓋今本穆天子傳。玄作縣。槐江之山。南望崑崙。與春山在崑崙之北。合則山海經於此春山之澤所在者。又別名之曰槐江之山矣。畢沅校註山海經。據十六國春秋太平御覽之說。以今甘肅甘州張掖縣北之鷄山當縣圃。是則誤據後起好事者附會之說。不足論矣。

天子西征。至于赤鳥之人。曰赤鳥氏。先出自周。封丌璧臣。長季綽。

于春山之風。以爲周室主。曰口山。是惟天下之良山也。寶玉之所在。

嘉穀生之草木碩美。曰赤烏氏美人之地也。寶玉之所在也。

愚案。穆天子傳後。又言赤烏氏春山。是穆王自春山行至赤烏氏春山。當即自今帕米爾山而仍西行至其連麓。今溫都斯坦本帕米爾山之連麓。出玉。玉工善製玉。有名與穆傳此言赤烏氏寶玉所在之文。合疑卽赤烏氏春山所在矣。山海經大荒西經云。有西周之國姬姓。后稷之弟曰台璽。生叔均。叔均是代其父及稷播百穀。始作耕。有赤國。妻氏。海內經云。稷之孫曰叔均。是始作牛耕。大比赤陰。是始爲國。叔均一人。而或言爲稷之侄。或言爲稷之孫。當由傳聞異詞。大比二字。不可解。赤陰。赤烏。陰。烏。一聲之轉。云赤陰。是始爲國。當卽赤烏。其人始立國。而國名赤烏。是可爲赤烏氏。先出自周宗之證。春山之風。風當爲蜀之謔。文爾雅釋山。獨者。蜀。春山之獨者。卽春山之獨出。不相連屬者。賈子修政語上云。堯身涉流沙地。封獨山。西見王母。訓及大夏渠叟。循其

文次自流沙而獨山而西。王母似獨山。即此春山之蜀。而亦爲上古之名山。在今溫都斯坦矣。口山是惟天下之良山也。口山闕文。或即是春山二字。赤烏氏美人之地者。山海經亦謂之赤國。妻氏。妻氏者以其女子宜爲人妻而名之歟。后稷之葬在今新疆喀什噶爾之地。畢沅校山海經海內經云：「西南黑水之間有都廣之野。后稷葬焉。其城方三百里。蓋天之中。素女所出也。」（風俗通引黃帝書。秦帝使素女鼓瑟之素女當出此地）並据此赤烏氏美人之地亦在今溫都斯坦。然則今帕米爾大山東西兩側之地皆爲上古產美女子之名邦。離騷「登閬風而縹馬。哀高邱之無女。」一段文字亦極言西方美人則西方美人誠豈虛構之詞哉。高邱即崑崙之邱。而大荒北經云有「女子衣青衣。名曰赤水女子獻。」與炎帝之妻曰赤水氏聽訛赤水出崑崙之麓。是又西方美人之以產地特名者歟。夫上古社會之婚制。原出掠婚。因有異

種姓之匹合。所謂素女。或即白種女子。未可知也。則是所謂赤烏氏。先出自周者。蓋周之支庶。出鎮此邦。猶少康庶子之於越。泰伯之於吳。元拔都之於俄。旭烈兀之於埃及。相類一例之事。且考詩奕奕梁山篇之韓侯。今三韓之韓。所自出。周之盛時。血統所衍之區。宇西抵今帕米爾。東抵今滿韓。不爲不廣矣。

天子北征。濟於洋水。天子北征。東還。至於黑水。西膜之所謂鴻鷺。愚案山海經海內西經。臚叙崑崙四隅出水。惟東南東北兩隅各止一水。河水赤水是也。而西南西北兩隅。皆各二水並流爲特異。西南隅二水弱水青水。已詳前考。其西北隅二水。海內經云。洋水黑水出西北隅。以東東行。又東北南入海。得穆傳互證。驗諸今地形。而亦歷歷不爽。穆傳後又言。自赤烏氏春山東北。還至羣玉山。截春山以北。是明明穆王自今帕米爾之西。折回截帕米爾山北而東還。即漢通西

域北道自疏勒踰葱嶺之路由此路而折回（道經今新疆之葱嶺而喀什噶爾而和闐道逾洋水終循黑水所謂洋水即今喀什噶爾河所謂黑水即今哈喇喀什河下流合并而爲塔里木河又東而爲羅布泊泊即古渤澤下流爲渤澤上流必爲渤水故今塔里木河即古渤水也山海經有同一山水而數名之例如海內經「北海之內有幽都之山黑水出焉」而北山經「毋逢之山西望幽都之山浴水出焉」黑浴二名一水即今北滿黑龍江上源是其一例也故崑崙黑水亦有渤水之名山海經不言渤水所出之山正惟其即黑水之故西山經「長沙之山泚水出焉北流注於渤水」郭注「烏交反又音渤水色黑也是郭璞已知渤水色黑惜未能正言其爲即黑水耳（桂馥說文義證亦謂渤即黑水）今塔里木河之名即魏書唐書之達利水同音自漢人誤以爲黃河之最上源而古洋水黑水合流之名實俱爲所奪漢書西域

傳南北大山之中央有河。河有兩源。一出葱嶺。南河北河。即今葉爾羌河。及喀什噶爾河。而不知其即古洋水。一出于闐。即今哈喇哈什河。而不知其即古黑水。清人考證河源。多有訂訛之說。而孫星衍氏言之尤爲核實。其水經注校語曰：「山海經註泐澤之水有口。泐水出長沙山北流。邱時水出槐江山北流。逢水出單狐山西流。杜水邊春水受櫟水。櫟水又受邊水西流。匠韓水出灌題山西流。敦薨水出敦薨山西流。凡六水皆注泐澤。澤即蒲昌海也。山海經言敦薨水出於崑崙之東北隅。實惟河源。是山海經以敦薨水爲河源。其餘諸水。本各有名。後人妄生異說也。」孫氏此語。足破千古之惑。然猶未能知黑水之說也。經愚茲考定。則更發前人之所未發矣。又山海經記水道。更有一特別之古例。即水道所經。能穿山踰海而行。是已。（參照前考赤水之說）有如黃河。源出敦薨山之敦薨水。注泐澤。出崑崙東北隅。以行其北。西南又入

渤海。又出海外。入禹所導積石山。由今言之。即源出今新疆天山之裕勒都斯河。哈布齊哈河。開都河。三河合流而入羅布泊。更出阿斯騰塔嶺之南。有色爾騰海。及鄂陵海。札陵海等。古當爲通連之渤海。更出此海。而至大積石山。即入禹所導積石山。夫經如此之穿山踰海而來。爲中國。黃河。使。今。人。言。之。必。爲。不。通。然。古。人。既。有。此。成。例。違。之。則。古。書。亦。必。難。通。故。治。古。書。不。能。不。姑。從。其。例。也。（今人言西喇木倫河亦名潢水。即古與黃河通流之證。後經火山隆起而中絕。云云。據此推論。或者今日視爲穿山過海之事實。而在古不如是。因經陵谷變遷而然。然其文字上之證據。則甚少矣。）是以即黑水而論。今甘肅安西州屬有黑水。距塔里木河中隔許多山川。而古人實以爲一條之黑水。治禹貢黑水者。惟此說足以解其紛而不能謂之不通。至如梁州之黑水。自當以山海經南山經雞山所出之黑水（即瀾滄江）爲是。語涉經生範圍。

因言黑水而并及焉。又舊地志據寰宇記云。酒泉縣有鴻鷺山。謂即此穆天子傳之所謂鴻鷺。此鴻鷺。明非謂山。夷語謂黑曰哈喇。水名鴻鷺。猶山名合黎。皆哈喇之對音耳。西膜之膜。本書膜拜字。同此舉手加頭。稱南膜拜者。西胡人禮也。當因此而名西膜。今人或以爲塞米人種。未必然矣。

天子乃封長股於黑水之西河。以爲周室主。郭註。即長臂人也。長脚人國。又在赤水東。皆見山海經。

愚案。山海經大荒南經。有張弘之國。在海上捕魚。海外南經亦云。長臂國捕魚水中。弘肱同從。得聲。張長通用字。張弘即長肱。長臂長肱同義。西方食魚之民族也。大荒西經有長脛之國。即郭註長脚人國。海外西經又有長肱之國。在雄常北。被髮。人長大。則臂肱也。脛股也。脚也。覺無一不長。故有異名。其實同一耳。論語被髮。

左衽。漢書終軍傳。解編髮。削左衽。被作編。顏師古曰。編讀曰辮。是被
編辮一音之轉。通用字。故長股亦同。是有辮子之北族。歐州中世諸國
之人。多有辮子。猶憶乾隆府州廳縣志云。荷蘭俗稱紅毛夷。其人深目
長鼻。髮鬚皆赤。足長尺二寸。頤偉倍常。疑長股亦不過此類形狀。希見
多怪。故以爲異。然封以爲周室主。必周室之支裔。決非皙種之先也。豈
吾三代以上。席地而坐之華人。矮小似倭人。而以有辮子之北方同族
爲特長。大耶。黑水之西河。河當爲阿之誤。阿曲也。殆今哈拉哈什河入
塔里木河之水。曲處也。國語魯語。稷勤百穀而山死。韋昭註。死
於黑水之山。山海經海內經。西南黑水之間。有都廣之野。后稷葬
焉。西山經。崆山。丹水出焉。而流注於稷澤。槐江之山。西望大
澤。后稷所潛也。崆山之崆。亦作密。今葉爾羌西南二百餘里有密爾
岱山是也。丹水即密爾岱泉流。入葉爾羌河西源之澤。普勒善河。葉爾

羌河入塔里木河。塔里木河卽黑水。故今塔里木河上源之地卽周后稷之葬身地也。封長股於黑水。以爲周室主。殆爲后稷主祭政者耶。

天子北征東還。乃循黑水。至於羣玉之山。容成氏之所守。曰羣玉田。山。口知阿平無險。四徹中繩。先王之所謂策府。寡草木而無鳥獸。天子于是取玉三乘。玉器服物。于是載玉萬隻。郭註言往古帝王以爲藏書冊之府。所謂藏之名山者也。

愚案前攷。泮水黑水分踞今塔里木河之上游。穆王行蹤極爲明白。可曉而北循黑水。至於羣玉之山。一語尤爲審知。黑水所在之要證。羣玉之山。非今和闐莫屬。故知黑水卽今哈拉哈什河。今哈拉哈什河回語黑玉河之義。旁又有合流之玉隴哈什河。回語白玉河之義。皆後起之名。非古也。漢書西域傳祇云于闐多玉石。梁書西南夷傳卽有于闐玉河之目。更徵之唐玄奘西域記。瞿薩旦那國產白玉。瞿薩旦那

那即于闐之延音。文獻通考。宋建隆三年于闐王李天聖使貢玉。使者言國城東有白玉河。西有綠玉河。次西有烏玉河。源出崑崙山。去國城一千三百里。每歲秋水小之後。國人取玉於河。謂之撈玉。據今和闐即古于闐。今人目驗著書者亦言其河中產玉石甚多。大者如盤如斗。小者如拳。如粟。各各不同。其如雪之白。翠之青。臘之黃。丹之赤。墨之黑者。爲上品。一種羊脂。朱斑。一種碧如波斯菜。金邊透濕者。尤爲無上品。蓋于闐出玉。古今未嘗少變。或言今已轉盛於葉爾羌河。羣玉之名。正由其出。各色不同之玉。而來。特上古以名山而曰羣玉之山。後世以名水而曰白玉河。黑玉河云云。爲異耳。穆王先是以季夏升春山。及此際。當已屆秋後。正在水漲退去。而玉出可取。故循黑水之河流。極一時之游觀。以至於羣玉之山。或沿途撈玉爲樂。未可知也。所謂羣玉之山。平阿無險。四徹中繩者。又與一切經音義云。于闐梵言瞿薩

且那譯言地乳國。其國忽然隆起。其狀如乳。之意味相近。上古顏之曰羣玉之山。明係寶山。故爲容成氏之所守。先王之所謂策府。列仙傳云「容成公者。自稱黃帝師。見於周穆王。」其即容成氏歟。策府。郭璞解爲書冊之府。老子爲周柱下史。職司藏書。後遊流沙。不知所終。于闐正在流沙中。據文獻通考云「于闐西百里有比摩寺。云是老子化胡成佛之所。」化胡成佛不可信。而于闐爲先王藏書冊之府。故老子特往遊。歟。至於寡草木無禽獸。必以多玉石之故也。漢時西域通南道。和闐猶當孔道。唐後漢南道淪沒。至今和闐冷僻。而葉爾羌轉達繁盛。此則滄桑之變。尤有今昔之感矣。舊地志以今甘肅肅州之嘉峪山當羣玉之山。誤不足論。

天子西征。至于劓閭氏。命劓閭氏供食。六師之人于鐵山之下。天子祭于鐵山。祀于郊門。

愚案楚辭屈原遠遊篇「朝發軔於太儀兮夕始臨於微閭」微閭當卽剖閭之同音字漢書西域傳「莎車有鐵山出青玉」徐松補注曰

「今葉爾羌河所經之密爾岱出青玉穆天子傳天子祭鐵山御覽以爲卽莎車鐵山」徐氏之說是也書禹貢「雍州貢球琳琅玕」顧命

「天球」鄭玄曰「雍州所貢之玉色如天者」天青色漢書上林賦

「玫瑰碧琳」西都賦「琳璫青熒」皆言琳爲碧色張衡四愁詩曰

「何以報之青琅玕」曹植美人篇曰「腰佩翠琅玕」故球琳琅玕

皆卽今密爾岱山產之青玉書「憂擊鳴球」球卽磬今密爾岱玉猶

供磬材故出青玉之鐵山卽今出青玉之密爾岱山海經崑崙山丹水

出焉崑崙山亦卽密爾岱山（崑音密與密爾岱之密猶古今同音也）

丹水卽密爾岱泉賈誼惜誓云「涉丹水而馳騁兮右大夏之遺風」

賈誼生於西漢之初去古未遠所言竟與後出之晉世汲冢穆天子傳

昭合。誼言。涉丹水。與穆王徑行。鐵山同一道。出今葉爾羌之密爾岱。而涉丹水。而馳入大夏。則穆王經鐵山而西。亦必西入大夏無疑矣。是今密爾岱山。又實在上古當東西陸路交通孔道之衝也。今葉爾羌猶爲西入中央亞細亞惟一之通衢。其所由來者遠矣。北堂書鈔引穆傳作祭于鐵山。祀于郊門。與今本異。茲審從之。第不知郊門爲何者之郊門耳。豈周代西方之郊門在是耶。

天子已祭而行。西征至于鸚韓氏。爰有樂野溫。和稜麥之所草。犬馬牛羊之所昌。寶玉之所□。天子大朝于平衍之中。乃命六師之屬休愚案。漢通西域南道。自鄯善傍南山。西行至莎車。自莎車踰葱嶺。出大月氏安息。大月氏本大夏之地。安息本波斯故地。古書言西行出大夏者不少。穆王此行亦出大夏。故西征至鸚韓氏。鸚僊同音。已見前考。鸚韓疑即今撒馬爾罕之縮音。薩馬爾罕者。唐書稱之曰颯末建。亦稱薩

末韃肥城之義（薩末肥也虔城也）大夏之故都也。穆傳樂野温云云。山海經海內東經郭注大夏國城方二三百里。地和温宜五穀。是誠不負其爲肥城矣。然樂野則卽山海經海外西經之大樂之野。經云「大樂之野。夏后啓於此儻九代。在大運山北。一曰大遺之野。」大荒西經「西南海之外。赤水之南。流沙之西。有人名曰夏后開。此天穆之野。高二千仞。」竹書紀亦天穆大穆二文並見。文見帝顓頊三十年。帝啓十年。蓋地當今西人名曰土耳其斯坦之東南高坡地。阿母河之上下。游土脈肥沃。河道暢達。亦有游牧草地。實爲中亞精華之所萃。而上游聯温都庫士山之北面。故山海經曰「大運山之北。高二千仞。」大運山殆卽温都庫士山下游爲平原。卽撒馬爾罕都城所在。故穆天子傳又言天子大朝於平衍之中。驗諸古今地形。殆一一同符而足信也。

天子西征至於元池

愚案。今西爾河阿母河。兩河之間。有乍拉福山河。其支叉最多。下流所入之哈拉庫勒湖。土人語謂黑湖之意。或即是元池。元當本作玄。黑色也。然據洪鈞元史譯文證補曰。明季以前阿母河實入裏海。泰西古書從未言及鹹海。近德國人考紀行之書。因疑昔時西爾河亦合於阿母河。以入裏海。而鹹海巨浸爲最數百年。淳蓄而成云。是則沙漠水道古今變更。頗有可證。誠非可執今地形以論矣。

天子乃遂西征。至於苦山。於是苦食。天子西征。宿於黃鼠之山。愚案。此時穆王似已西南入。今波斯北境諸山。皆不能指定。當今何山。所謂黃鼠之山者。唐書于闐傳。西有砂磧。鼠大如蝟。色類金。蓋沙磧之鼠。毛色亦與沙色類似。生物之保護色使然。殆其山在沙漠中。因生此黃色之鼠。故名黃鼠之山歟。

乃遂西征。至於西王母之邦。

愚案竹書紀穆王西征至崑崙邱見西王母於文甚略不如穆傳之詳也。西王母一國爲今西人熱心研究中國古史之一要件。蓋欲藉以知我國古代與西方之交通也。此非羅列古書以證明之。無以釋吾人自任之天職。今考西王母之邦古亦稱沃民之國。亦曰三危之國。呂氏春秋本味篇「流沙之西。丹山之南。有鳳之丸。沃民所食。」（高誘註丸古卵字）淮南子墜形訓「西王母在流沙之瀕。」足證沃民與西王母地非相隔而山海經尤爲明白可據。大荒西經云「有西王母之山（此句從郝校正）壑。山海山。沃民之國。沃民是處。沃之野。鳳鳥之卵是食。甘露是飲。凡其所欲。其味盡存。爰有甘華。甘柎。白柳。視肉。三騅。璇瑰。瑤碧。白木。琅玕。白丹。青丹。多銀鐵。鸞鳥自歌。鳳鳥自舞。爰有百獸相處。是謂沃之野。有三青鳥。赤首黑目。一名曰大鷲。一名曰少鷲。一名曰青鳥。此記沃民國一段文字。有西王母之山。有三青鳥。則沃民國非卽西王

母之邦。而何此古西王母國。亦稱沃民國。之證也。又山海經西次三經
「三危之山。三青鳥居之。」郭註「三青鳥爲西王母取食。別自棲息
於此山。竹書曰穆王西征。至於青鳥所解。」故郭又讚曰「山名三危。
青鳥所憩。往來崑崙。王母是隸。穆王西征。旋軫斯地。」是以穆天子傳
西征。至於西王母之邦。與竹書西征。至於青鳥所解。文殊事一而古以
青鳥所居有名之曰三危之國者。呂氏春秋求人篇。西至三危之國。巫
山之下。飲露吸氣之民。積金之山。」淮南子時則訓「西至三危之國。
石城金室。飲氣之民。不死之野。」試細考之。證之山海經。三危在崑崙
西三千三百里。（校漢書司馬相如傳言西王母所居之陰山。更在其
西四百二十里）決非今甘肅肅州之三危。並其巫山。亦決非今四川
夔州府之巫山。至其曰積金之山。曰石城金室。則沃民國多銀鐵矣。曰
飲氣之民。曰飲露吸氣之民。則且一部山海經。祇有一沃民國。特甘露

是飲矣。(海外西經諸天之野天係沃之省文)皆足以明三危國之內
容與沃民國之內容同一。夫既三危沃民之內容同一。沃民國即西王
母國而三危國非即西王母國而何。又若曰不死之野則淮南子冥覽
訓「羿請不死之藥於西王母」惟不死之野而有不死之藥更爲三
危國即西王母國之證。此古西王母國亦稱三危國之證也。雖然古西
王母之邦果當今何地乎。則尙須詳言以明之一部。山海經止有一沃
民國。記出白木。郭註「樹色正白。今南方有文木亦黑色也。」是郭璞
以文木釋白木也。蓋文木有白黑兩種。古書或止言白色者。或止言黑
色者。皆偏舉以互該也。文選吳都賦註文木材密緻無理。色黑如水牛
角。周書王會篇「夷用闌木。」何秋濤箋曰「夷即波斯。方以智通
雅曰闌木即烏文木也。古今註烏文木出波斯國。」何氏之說是也。楚
辭屈原九章云「吾與重華遊兮瑤之圃。登崑崙兮食玉英。與天地比

壽兮與日月齊光。哀南夷之莫吾知兮。且余濟乎湘江。其云遊瑤圃。
（卽鍾山東之瑤厓見前）登崑崙而後及於南夷。南夷正卽王會篇之
夷。自古載籍記西域輸來之文木所出之國。止一波斯。與一部山海經
記出白木者。止一沃民國。正合則可知其並無他國產。此得相蒙混。故
据文木一物而可推定沃民國卽波斯國。殆無可疑。又若沃民國有海
山。壑山波斯南有阿勒富海。北有裏海。沃民有璇瑰瑤碧琅玕白丹青
丹多銀鐵。隋書西域傳亦列舉波斯產眞珠頗黎珊瑚瑪瑙水精火齊
金銀銅鐵諸物。沃民產鳳卵。隋書亦記波斯產大鳥卵。（此係今駝鳥
之卵。或駝鳥卽爲古人所稱鳳之一種）皆足爲沃民卽波斯之證。故
沃民卽西王母國。亦卽波斯國。此西王母之邦當在今波斯地者一也。
吸氣飲露。旣爲西王母國之一內容條件。而他書之言吸氣長生者。楚
辭屈原遠遊。軒轅不可攀援兮。吾將從王喬而娛戲。（中畧）順凱風

以從遊兮。至南巢而壹息。見王子而宿之兮。審壹氣之和德。(中畧)聞
至貴而遂徂兮。忽乎吾將行。仍羽人於丹邱兮。留不死之舊邦。(舊邦
解見後)至於賈誼而言之更詳。其惜誓篇曰「馳騫於杳冥之中。休
息乎崑崙之墟。樂窮兮而不厭兮。願從容乎神明。涉丹水而馳騁兮。右
大夏之遺風。(中略)乃至少原之壑兮。赤松王喬皆在旁。二子據瑟而
調均兮。余因稱乎清商。澹然而自樂兮。吸衆氣而翱翔。長生而久僊兮。
不如反余之故鄉。」今考屈子所言之南巢。即賈生所言之少原。非放
桀之南巢。或言南方巢鳳之地。近是矣。列仙傳「赤松子至崑崙常止
西王母石室中。」足證赤松子與西王母同處。而屈賈二子所詠皆確。
即西王母之邦矣。莊子大宗師篇「西王母坐乎少廣。」少廣亦即少
原。而賈生賦中明叙少原在大夏之西。既在大夏之西。非即波斯。而何
(故大夏西境與波斯相接)蓋今帕米爾高原左右。即古都廣之地。而

其西之波斯高原即古少廣之地。西王母坐少廣。又爲西王母在波斯之證。此西王母之邦當在今波斯地者二也。更據漢書司馬相如傳「低徊陰山翔以紆曲兮。吾乃今覩西王母。鬖然白首。戴勝而穴處兮。亦幸有三足鳥爲之使。」張揖曰：陰山在崑崙西二千七百里。西王母其狀如人。豹尾虎首。蓬髮鬖然白首。石城金室穴居其中。三足鳥三足青鳥也。主爲西王母取食。在崑崙墟之北。」此張揖所說語皆有本。謂石城金室穴居則今西式房屋（梵字琳宮全）即是穴居。斷非窟土而處之穴居。謂三足鳥即三足青鳥。青鳥即鳥與西主母自歌鳥鵲與處之文亦合。而謂陰山距崑崙之里數二千七百里則即本山海經西山經自崑崙之丘至陰山之里數以爲言。與此穆傳後言自羣玉之山以西至於西王母之邦三千里之數所差無多。且司馬相如生於西漢。作賦未見晉發汲冢之穆傳。（司馬相如與賈誼皆西漢人所言皆合山經

穆傳蓋皆有本。張揖據山海經而作解。亦未根據穆傳。然兩皆不謀而合。可爲穆傳作證。不能謂之偶合。呂氏春秋古樂篇。黃帝令倫伶作爲律。自大夏之西。乃至阮隃之陰。取竹於嶰谿之谷。漢書律歷志。說苑修文篇。風俗通聲音篇。阮隃之陰。皆作崑崙之陰。阮崑同音通用。字隃崙一聲之轉。阮隃崑崙一也。崑崙之陰。即陰山所在也。故陰山者崑崙之陰之山也。蓋古人以西方廣遠。多被以崑崙之名。猶之今西人以安息卽亞細亞（安息亞細亞對音）一隅之地名。而爲轉被於亞細亞全洲之名。故古有狹義名稱之崑崙。不過西藏新疆間一隅之山。而廣義名稱之崑崙。則不然。實橫亘於今東西兩亞細亞（崑崙之合音爲橫。今蒙古語猶謂橫曰昆都倫殆崑崙山本卽橫山之意）凡今崑崙山系附近相連之諸山。皆是詳言之今崑崙山脉連接之溫都庫士山脈。迤西諸山脈。直走阿富汗波斯境內。適當天下之脊。皆古崑崙也。楚

辭天問。崑崙縣圃。其尻焉在。又古稱崑崙去嵩高五萬里。語不盡實。而其遠則可知矣。要之陰山即崑崙之陰。崑崙在大夏之西。則陰山非在波斯而何在。而西王母居陰山西王母國。又非在波斯而何在此。西王母之邦當在今波斯地者三也。近蔣觀雲先生著中國人種考。謂古書言西王母必兼言玉。故當以玉之產地考定西王母所在之地。愚謂古代西方貢玉之邦不一。徒以玉爲根據。則其根據危矣。考西王母入貢有二大事。其一爲蓋（或作益）地圖（拉克伯里謂巴比倫亦有山海經一書未知即此圖說否）姑措弗論。其又一爲貢白玉瑄。此則關係中國樂律之根據問題。所關甚大。古書亦言之鑿鑿。故必以玉合音樂而言。方得成立。攷定西王母所在之一要件。尙書大傳舜以天德嗣堯。西王母來獻白玉瑄。大戴禮少間篇。西王母來獻其白瑄。漢書律歷志。風俗通音聲篇。晉書律歷志。宋音樂志符瑞志。亦均皆言西王母獻

白玉琯之事。而說文云「管如箎。六孔。從竹。官聲。琯。古者琯以玉。舜之時。西王母來獻其白玉琯。前零陵文學姓奚。於冷道舜祠下。得笙玉管。夫以玉作音。故神人以和。鳳皇來儀也。」又晉書律歷志。既據呂氏春秋諸書。謂伶倫自大夏之西。乃至崑崙之陰。取竹之嶰谷生。其竅厚均者。制十二箛。寫鳳之鳴。以定律呂。」復言「黃帝作律。以玉爲管。長尺六孔。爲十二月音。」然則上古造律。當黃帝時。實已竹玉二具並用矣。其竹必取自大夏之西。崑崙之陰。則其玉亦必取自大夏之西。崑崙之陰。可知何也。竹玉二物。他處儘有。而材堪樂律之竹玉。則非自彼處而來。不可抑或已成之竹管。玉琯。自彼處來耶。故舜時中國大盛。西王母復來貢白玉琯。明非尋常之貢物也。然仙樂鳳和。實惟中國樂律之原。而仍不越於崑崙之陰。今波斯之地。此西王母之邦。當在今波斯地者。四也。此外爾雅釋地。西王母在西荒。易林弱水之西。有西王母。皆觀於前。

之說明。而可以曉然。又博物志有西王母仙桃。今西人謂桃爲波斯果。是即桃之一物。亦可爲西王母當在波斯之證。蔣觀雲先生中國人種考引「一八八〇年愛台爾氏英譯穆天子傳。或據波斯詩人富爾達伊詩史引波斯古傳。襄西陀女王與摩訶晉王穆罕婚。而摩訶晉爲大秦。即支那。穆罕王爲穆王。襄西陀爲西王母。」此事愚未能深考。而要亦與西王母當在波斯之說合。抑更進論之。據元史譯文證補云「花刺子模地名最古。中國周初波斯之火教書。已見此地名。春秋時波斯以箭頭鑄石。亦見此名。」愚謂花刺子模。即華胥之對音也。蓋中國與西方之關係遠矣。今西人之治人種學者。謂義蘭高原一隅。爲人類肇生之所。中國古稱西方曰金邱。曰沃野。（淮南時訓）直視爲黃金世界之天國。亦已情見乎詞。波斯本亦名義蘭。疑沃民之沃。卽義蘭之譯。義蘭本爲優越先進之義。沃則爲土地肥沃之義。或者東西主客之觀。

念微殊而東人直視之爲埃田園也歟雖然神仙之說實起於西方高地多山仙之造字從人從山本山人之義僊字從瞿瞿者升舉也登山亦爲升舉也升山必大呼呼吸故吸氣著焉山地鮮水夜涼露生故以飲露稱焉凡皆無甚足怪之事也音樂宗教有切密之關係則音樂又爲神仙之武器也而長生之術別一問題非本篇所暇及矣今但當一究波斯全國氣候互異惟其舊京伊斯巴亨一地終年似七八月之間天氣爽朗清和各國所無此則或洵爲古仙人所宿壹氣和德（見前引屈原遠遊）之鄉而即西王母之邦之故都所在歟未可知矣雖然西王母似又有舊居在焉山海經西山經言「西王母居玉山」海內東經「西胡白玉山在大夏東」玉山即白玉山在大夏東則必爲今新疆之于闐諸山矣故屈原遠遊曰「仍羽人於丹邱兮還不死之舊邦」丹邱即丹水之山丹水即密爾岱泉海內經「黑水之間有山名不死

之山。黑水。今塔里木河。足證舊邦在今新疆。而有舊邦。則必有新邦。推而言之。舊者在今新疆。新者在今波斯。而兩皆曾爲西王母之所都居。共稱不死之鄉者歟。然至周穆王之時。而西王母專移居波斯。或者不無東西人種消長之關係歟。又如漢書地理志。金城臨羌縣有西王母石室仙海鹽池。臨羌在今青海境內。仙海即今青海鹽池。即今達布遜淖爾。十六國春秋。張駿酒泉太守馬岌言。酒泉南山有石室西王母堂。珠璣鏤飾。煥若神宮。周穆王見西王母樂而忘歸。卽此山。酒泉今甘肅肅州。南山即今甘肅青海間之祁連山。此則青海酒泉本皆在古崑崙之附近。豈西王母治宇所及。而爲離宮之所在耶。抑後起之好事者所爲耶。惟馬岌謂穆王見西王母樂而忘歸。卽此山。則斷然不足信矣。日本依田雄甫氏著讀史地圖。即採班固馬岌之言。註西王母於青海甘肅之間。蓋未之深攷也。

天子賓於西王母執白圭元璧以見西王母

愚案山海經「西山經西王母其狀如人豹尾虎齒而善嘯蓬髮戴勝

謂曰如人則神而非人也然山海經本夏禹之書虞夏之世羣后亦

稱羣神尙在神權時代故西王母雖稱神而實人本一諸侯耳豹尾虎

齒者殆爲古時一種之儀式今稱假面具今西藏喇嘛會猶有此俗（

喇嘛會之假面具種種不一頗滑稽可笑見日本刊世界歷史地圖）

其來遠矣山海經郭註引穆天子傳西王母云「我惟帝女」與今本

穆天子傳異然與淮南子精神訓西姥折勝之文合是則曰母曰女曰

姥同義相證西王母必古西方之女荀子大略篇禹與於西王國則

又去母而僅言西王離騷「詔西皇使涉予」之西皇疑亦即此西王

然至中國稱之曰王可見其必爲西方一大國矣

天子觴西王母於瑤池之上

愚案史記大宛傳引「禹本紀崑崙上有醴泉瑤池」蓋禹學於西王國故稔知彼邦此水而記之今人或以今帕米爾之哈拉庫勒湖卽舊稱大龍池者當之按哈拉庫勒周圍復有數湖實春山之澤而非此瑤池也山海經西山經槐江之山爰有淫水其清洛洛淫卽瑤之壞文呂氏春秋本味篇「水之美者三危之露崑崙之井沮江之丘名曰搖水」搖亦卽瑤字沮江卽槐江也然案山海經道里槐江之山不當在西王母之邦疑風水之美者古皆名之曰瑤水也今西人考帕米爾山之哈拉庫勒湖含鹽氣而少苦味畜類好飲之意者瑤池醴泉正指此哈拉庫勒湖之屬不過西方之鹽水湖而一種水味較美者抑或此觴西王母瑤池上之瑤池正猶瓊室瑤臺之比以人工而成之者歟今波斯地誌不詳無論成於天然與成自人工者俱未能明指何一湖泊爲西王母之瑤池也

西王母爲天子謠曰白雲在天山陵自出

愚案古西王母之邦今波斯也。波斯環境皆山。氣候互殊。惟其古京師曰伊師巴亨。一地風景絕勝。四時常如秋季。七八月之間。天色晴藍。間有纖雲如草際微雪。（據薛福成鑒定續瀛寰全志）是與西王母所詠白雲在天山陵自出者正自密合。故今伊師巴亨必爲古西王母之所都居。直可指天象以爲證也。又伊師巴亨之地。棄置金鐵之器於路側。經月不鏽。蓋爽朗清和之氣。地球各國所無也。故古稱積金之山。飲氣之鄉。誠舍此地而莫屬。且其附近山谷之地。沃壤連雲。稻麥之富。溢出各境。殆真所謂沃野仙居於今。尙在惜乎。佔地面積。憾不甚廣耳。

天子答之曰。予歸東土。和洽諸夏。萬民平均。吾願見汝。比及三年。將復而野。天子遂驅升於弇山。而樹之槐眉。曰西王母之山。以吟曰。北徂西土。爰居其野。虎豹爲羣。於鵠與處。郭註。弇山。弇茲山。日入

所也

愚案東土與西土對稱明明東西兩大帝國敵體抗衡之稱謂自穆王西征而荒服者不至豈中國大一統之局自茲已破耶蓋三代以前東西對抗成橫局與後世漢有匈奴唐有突厥南北對抗成縱局者不同此中不無有文化升降之關係然姑措弗論今攷西土即書堯典之所謂宅西曰昧谷者是也顧自來經生多以秦漢隴西之西縣釋之誤矣試詳徵之墨子節用篇昔者堯治天下南撫交阯北降幽都東西至日所出入莫不賓服（韓非子十過篇同）大戴禮少間篇「昔虞舜以天德嗣堯朔方幽都來服南撫交阯出入日月莫不率俾」淮南子主術篇「昔者神農之治天下也其地南至交阯北至幽都東至暘谷西至三危莫不聽從」修務篇「堯西教沃民東至黑齒北撫幽都南道交阯」賈子修政語上「堯教化及雕題蜀越撫交阯身涉流沙地封獨山

西見王母訓及大夏渠叟。北中幽都及狗國。與人身而鳥面及焦僂。綜此諸家所述。及更有散見於他處者。大抵稱神農堯舜之世。南北所至地名無甚異。文南至交阯。至今越南地。北至幽都。至今外蒙肯特山。而東西所至則異。文特甚。或虛言之曰。至日月之所出入。或實言之。則東之所至曰。暘谷曰。黑齒曰。鳥面（即鳥夷當別考）今日本地也。西之所至曰。三危曰。沃民曰。西王母（此更可作前考。西王母沃民三危爲一之證）今波斯地也。是可知堯典羲和四子所宅之地名。本大同於諸家所述。其宅西之西。與穆天子傳之稱西土。同目爲西。皆不過異文之一例耳。列子周穆王篇曰。迺觀日之所入。即穆傳之登弇山一事。然列子爲晉人僞書。不足據。郭璞以弇山爲即弇茲山。弇茲亦作崦嵫。山海經西次四經。崦嵫之山。若水出焉。而西流注於海。郭註。禹大傳曰。涸盤之水。出崦嵫山。離騷。望崦嵫而勿迫。王逸註。崦嵫日所入。

山也。下有蒙水。水中有虞淵。蓋若水。洧盤蒙水。殆一水也。今未詳在
今波斯何地。據塞來語。謂歐羅巴者。暗黑日歿之意。即日歿國之義也。
意者。弇山觀日入之處。視線竟遙達今之歐羅巴歟。穆傳西王母數歌
多係每句四言。自係譯文。非彼中語。漢書西南夷歌頌。漢德詩二篇。亦
每句四言。殆此種語式爲古代異民族間通用之語式矣。北徂西土句
有誤。當是徂彼西土。其時猶在人獸雜處時代。故有虎豹爲羣於鵠與
處之詞也。於古文同鳥字。

天子飲於温山口考鳥 郭註紀年曰穆王見西王母西王母止之
曰有鳥鵠人疑說此鳥脫落不可知也

愚案波斯境內氣候。西冷南熱中温。此温山者。望文生訓。其當在波斯
之中部歟。觀西王母鳥鵠與處云云。其時彼地直是鳥獸世界。西王母
直是管領鳥獸之使者。故穆王有考鳥之舉。殆將行獵矣。郭傳引竹書

今竹書無此文。鶻字不見於字書。或是妨害人之意義。文獻通考「波斯有大鳥。形如橐駝。有兩翼。亦能噉人。」即今駝鳥。或即此鳥。妨害人歟。

天子飲於溥水之上。乃發憲命。詔六師之人。曰其羽。爰有口藪水澤。爰有陵衍平陸。碩鳥解羽。六師之人畢。至於曠原。曰天子三月舍於曠原。曰天子大饗正公諸侯王。勤七萃之士於羽璆之上。乃奏廣樂。曰六師之人。翔旼於曠原。得獲無算。鳥獸絕羣。郭傳下云。北至曠原之野。飛鳥之所解其羽。山海經云。大澤方千里。羣鳥之所生。及所解。紀年曰。穆王北征。行積羽千里。皆謂此野耳。

愚案溥水。太平御覽八十五引作辱水。山海經西山經云。陰山北二百里曰鳥山辱水出焉。水當在今波斯。畢沅謂即今陝西安塞縣出之秀延川。非是。且此傳有闕文。據後言。自西王母之邦北至於曠原。

之野。飛鳥之所解羽。千有九百里。宗周至於西北大曠原萬四千里。之明文。則是此曠原之所在。於穆傳爲自西王母之邦北至曠原。於今則即自今波斯北行直抵今裏海之北俄羅斯之南部矣。後魏書董琬等使西域還。具言所見。分其地爲四域。兩海之間水澤以南爲一域。此兩海即今裏海地中海。說詳元史譯文證補。而其云水澤則即今之黑海也。魏書猶單言水澤。穆傳旣言。藪水澤復言陵衍平陸。則盡包舉黑海裏海高加索山并及附近之地而言之矣。山海經海內西經。大澤方百里。羣鳥所生。及所解。在雁門北。此卽穆王出喻關時之滲澤。今內蒙古河套迤東之地。或即內蒙之沙漠也。又大荒北經有大澤方千里。羣鳥所解。此則即此穆天子傳所言曠原之野。故郭註引之。又漢書西域傳。奄蔡國北臨大澤無涯。大澤卽黑海。說亦見元史譯文證補。故大荒北經之大澤。自是黑海無疑。而穆傳之水澤爲卽黑海。

益確矣。解羽者。幼鳥解脫乳羽而成長之謂也。故漢書史記亦謂其地曰翰海。雖是指今內蒙之沙漠。非可以當此穆傳之曠原。而其命名之意義固可相通也。羽珍者。積羽之邱。山海經亦謂之委羽之山也。

天子東歸。至於□之山。東征至於戊□之山。智氏之所處。天子北游於緇子之澤。智氏之夫獻酒百□於天子。

愚按戊□之山及智氏一民族。俱不可攷。惟按核地望。戊□之山當屬今烏拉爾山系諸山。緇子之澤亦不能指爲何澤。或古有而今湮。未可知。

天子南征。東還。至獻水。乃東征。飲而行。乃遂東南。至於瓜纒之山。三周若城。闕胡氏之所保。

愚案此諸山水亦不可攷。惟祇可識穆王東歸。經涉道途之遙遠耳。天子乃遂東征。南絕沙衍。天子渴於沙衍。七萃之士高奔戎。刺其左

驂之頸。取其清血以飲天子。郭傳。今西方羌胡刺馬咽取血飲。渴亦愈。

愚案職方外紀云。中國之北迤西一帶。直抵歐羅巴東界。俱名韃而坦。其地江河絕少。平土多沙。氣候極寒。冬月無雨。入夏微雨。僅濕土而已。人罕得遍歷其地。道行饑渴。即刺所乘馬。瀝血而飲云云。韃而坦。卽土耳其斯坦。是今土耳其斯坦道中行人。尙有渴飲馬血之風。與穆傳刺左驂之頸。取清血以飲天子故事。不謀而合。蓋計此時穆王歸程。正在今土耳其斯坦中矣。

天子乃遂南征。至於積山之邉。曷余之人命懷獻酒於天子。愚案。此積山之邉。及曷余國。今亦不可攷。

至於滔水濁繇氏之所食。

愚案山海經海內東經。國在流沙外者。大夏。豎沙。居繇月支之國。

三國志引魏略云「流沙西有大夏國。豎沙國屬。繇國。月氏國。四國。」居繇又作屬繇。當卽穆傳之濁繇。居屬濁三字。形音皆相近。而在流沙之外。與大夏相次。又核諸穆王歸程。疑濁繇氏當在今新疆之西北沿水。卽巴爾喀什湖。今俄屬西比利亞之七河省地歟。

天子東征。至於蘇谷。骨飭氏之所衣被。郭註言谷中有草木皮可爲衣被。

愚案蘇谷。路史作胥谷。今不可考。惟按核穆王歸程。當在今天山北路。據郭註所說。則文獻通考稱高昌有草實如繭。中絲如細纒。名爲白疊子。國人取織以爲布。其殆卽此骨飭氏所衣被之類歟。

乃遂南征。東還。至于長浹。重譚氏之西疆。天子升于長浹。乃遂東征。至于重譚氏。黑水之阿。

愚案黑水。卽塔里木河。已見前攷。因此推知長浹。當卽天山。天山山勢

蜿蜒頗長。古亦名曰燭龍。惟澗字不見於字書。路史國名紀作琰亦不見於字書。則其字之義不可曉耳。此重譚氏黑水之阿阿曲也。當即在今塔里木河經焉耆（喀喇沙爾）府新平縣南折而南流之處。與前封長股氏于黑水之西阿在西者不同當一辨也。凡穆王自西北大曠原而東南馳歸。中途山川多不能鑿指其當今何地。惟至此黑水既可鑿指。又見穆王之歸並不循往轍。經春山踰洋水。黑水沿天山南路而歸。則舍自天山北路踰天山而南別無他途。可以至此。故愚推定穆王之升於長澗至黑水之阿爲從天山北路踰天山而南至塔里木河將再折而東歸也。

爰有采石之山。重譚氏之所守。曰枝斯璿瑰段瑤琅玕玲瓏虎瓚玕琪衛尾。凡好石之器於是出。天子升於采石之山。於是取采石焉。使重譚之民鑄以成器。於黑水之上。器服佩好無疆。郭註。今外國

人所鑄作器者亦皆石類也。

愚案據穆傳此文則重譚氏者世界最古之玻璃製造國也。一部山海經記出采石之山祇西山經之驪山一見且出水中郭註云「采石今雌黃空青綠碧之屬」係是天然之產物決非人工之製品若此穆傳則明云鑄以成器鑄者鎔鑄之謂也淮南俶真訓「今夫冶工之鑄器金踴躍於爐中」說文云鑄銷金也顏師古急就篇註云凡金鐵銷冶而成者謂之鑄蓋造字之本義銷金製器謂之鑄而其引伸之義推而至於熔石製物亦謂之鑄是以穆傳此文所列舉采石之種類如枝斯璿瑰之屬皆古之人工製品熔製石質而成之寶物卽今之燒玻璃謂之采石者五色之采詳言之則卽五色玻璃也夫玻璃爲最文明之人工製品不圖於此穆傳中見之曾見英日兩國人著書謂玻璃爲支那人之發明物殆亦據穆傳此文而爲言但重譚氏之先果出自誰族今

不可考。吾人豈甘謬受儻來之榮譽。惟謂重譚氏爲世界最古之玻璃製造國。則自無不可耳。又案象胥錄云：「土魯番漢車師前王庭地。唐置西州交河郡。析以爲縣。有安樂城。城西北百里。有靈山最大。其周行羣山約二十餘里。悉五色沙石。光焰灼人。」云云。今土魯番正當在古重譚氏境內。似有天然之采石之山矣。然又據魏書西域傳：「大月支國人商販京師。自云能鑄石爲五色琉璃。於是採礦山中。於京師鑄之。卽成光澤美於西方來者。自此中國琉璃遂賤云云。則正不必恃天然之采石。自可以礦物智識之人工而成之。惜夫。今新疆之南部塔里木河之下遊。已莫知舊爲世界最古之玻璃製造國所在。而今亦絕不聞玻璃之產出。不亦重可慨夫。

天子東征。至於長沙之山。柏天曰重譚氏之先三苗氏之口處。

愚案山海經西次二經：「長沙之山。泚水出焉。北流注於沕水。」沕水。

今塔里木河也。而云泚水北注。是長沙之山當在今塔里木河之南。然北注之謂。難於明定。因山海經凡言某水注於泚水之方向。多與今之方向不符故也。而長沙之山。今亦不能確定爲何山。祇可知其必在塔里木河左右耳。傳文重讙氏之先三苗氏之□處。中間闕文。疑卽所字。蓋言重讙之先本三苗所處之地。歟。舜竄三苗於三危。禹導黑水至於三危。（此非青鳥所居之三危當分別觀之）三危黑水地相密接。黑水之旁本故三苗謫居之地。及周之世而已衰亡。故重讙氏得繼居其地。歟。山海經大荒北經「西北海外黑水之北有人有翼名曰苗氏」。海內西經「洋水黑水南入海。羽民南」。羽民卽苗民。苗民在黑水之北。黑水行苗民之南。重讙氏仍苗民之舊居。正在今塔里木河羅布泊之北。徵諸穆王踰長泚而至重讙氏黑水亦自密合也。

天子東征南還。至於文山。天子遊於文山。於是取采石。

愚案此又一出采石之處。漢司馬相如子虛賦「琳瑯昆吾」昆吾或作琨瑀。後起字耳。一種石之次玉者也。殆必因出於昆吾而得名。古昆吾國。漢爲伊吾。慮地。今新疆迪化府之哈密廳也。三國志引魏略曰「大秦國出九色次玉石。一曰青。二曰赤。三曰黃。四曰白。五曰黑。六曰緣。七曰紫。八曰紅。九曰紺。今伊吾山中有九色石。即其類。」伊吾即伊吾盧之省。評是今哈密。舊出采石之證也。其采石亦即人工製品無疑。計穆王此時行程當在哈密境內。而文山即哈密境內之山歟。惜夫今亦如藍田之玉。久成絕產矣。

天子命駕八駿之乘。天子乃遂東南翔行。馳驅千里。至於巨蒐之人。乃獻白鵠之血。以飲天子。因具牛羊之漣。以洗天子之足。巨蒐之人。觴天子於焚留之山。好獻枝斯之石。四十。

愚案穆傳此駕八駿之乘。至於巨蒐氏之國。亦見僞列子周穆王篇。而

語意互異。此列歸躅。彼叙往蹤。適相倒置也。巨蒐。即渠搜之異文。禹貢渠搜。浮於積石入貢。此卽隋書西域傳云。鑿汗國都葱嶺之西五百餘里。古渠搜國。卽今俄屬費爾干省之地也。而此穆傳之巨蒐。當在今蒙古土謝圖漢之南境。計穆王自文山駕八駿之乘。東南翔行。馳驅千里至此。自當在今土謝圖漢境內。故下文得言南征陽紆之東。尾經南向行。抵河套之北也。水經註。河水自朔方東轉。逕渠搜故城北。此則又地當在今鄂爾多斯右翼後旗之東。接左翼後旗界內。蓋皆後世種落遷徙。故有散處之蹟歟。今哈薩克（亦作可薩克）人種蕃衍於俄屬西比利亞。以字音求之。哈薩克。當即巨蒐之音轉。而克字爲其尾聲耳。是此人種。今尙存在也。又不勝今昔之感矣。穆傳此言長驅千里。與後言自井陘之東。至宗周長驅千里。路徑遠近。不無微差。要各有當矣。焚留之山。今不可攷。亦當在土謝圖漢南境。好獻枝斯之石云云。下文

尙有許多珍品。不備錄。足見古代蒙古之地頗不似今之荒瘠。今杭愛山綿延千里。或斷或續。到處產黃石如琥珀。蒙古語曰胡巴。製爲器物。瑩透可愛。（據張穆蒙古遊牧記）此殆即古枝斯之石之類歟。

天子南征陽紆之東尾。乃遂絕巖晉之谷。至于纛瑠。河之水北阿。爰有繫洩之口。河伯之孫。事皇天子之山。郭傳。尾山後也。今西有渠搜國。陽本渠。

愚案。歸紆之山已見前攷。河之水北阿。阿曲也。河套東西二折成東北西北二曲。隅中復有一折成曲隅。即此北阿也。地當在今烏喇特（舊作吳喇忒）府之西。唐張仁愿築中受降城處也。郭註有脫訛。然前已有巨蒐。此復言渠搜國誤矣。皇天子山殆即烏喇特旗西之木納山歟。天子東征至于鄗人。鄗伯絮觴天子于澡澤之上。斲多之汭。河水之

所南還。

愚案。酈國。澡澤。及河水之所南還。俱詳前攷。

天子東征。顧命柏夭。歸于刀邦。天子南還。升于長松之澗。孟冬。至于雷首。犬戎胡觴天子于雷首之阿。曰雷水之平寒。郭註雷首山名。今在河東蒲阪縣南也。

愚案。此時穆王與阿伯作別而南歸。長松之澗。御覽五十三作長松之阪。未詳其地。水經註「河水南逕雷首山西。又南凍水注之。水出河北縣雷首山。其水西南流。亦曰雷水。穆天子傳曰壬戌。天子至于雷首。犬戎胡觴天子于雷首之阿。」云云。雷首山雷水。皆在今山西蒲州境內。又雷水之平寒句。水經註引作雷水之干。文義較通。

天子南征。升于髡之澗。丙寅。天子至于鉞山之隙。東升于三道之澗。愚案。髡之澗。未詳當今何地。據云南升于髡之澗。則上文雷首雷水。不當在今山西蒲州。疑南征之南。有誤文也。鉞山見前。是穆王又折而東。

抵今直隸正定府井陘縣之東矣。

天子命駕八駿之乘。南征翔行。逕絕翟道。升于太行。南濟河。馳驅千里。遂入于宗周。郭傳。翟道在隴西。謂截隴阪過。

愚案。穆王此時自今井陘縣之東。長驅而入。今河南洛陽郭氏云。翟道在隴西。謬矣。案核傳文。翟道當在今太行山之東。翟狄通用。字春秋左氏傳。稱狄之廣莫。蓋翟道濫觴。周初由來久矣。今河南懷慶府城北太行。逕古亦稱羊腸阪。穆王殆逕此濟河而南歟。

天子大朝于宗周之廟。乃里西土之數。自宗周灑水以西。至于河宗之邦。陽紆之山。三千有四百里。自陽紆西。至于西夏氏。二千又五百里。自西夏至于珠余氏。及河首。千又五百里。自河首襄山以西南。至于春山。珠澤。崑崙之邱。七百里。自春山以至于赤烏氏。春山三百里。東北還。至于羣玉之山。截春山以北。自羣玉之山以西。至于西王母。

之邦。三千里。自西王母之邦。北至于曠原之野。飛鳥之所解羽。千有九百里。宗周至于西北大曠原。萬四千里。乃還。東南復至于陽紆七百里。還歸於周。三千里。各行兼數。三萬有五千里。

愚案西夏氏珠余氏及河首襄山前俱不見傳文之中。蓋有闕落矣。漢書地理志隴西郡有大夏縣。水經註「大夏川水出西山。流逕金紐城南。又東北逕大夏縣故城南。」城當在今河州東南境。接狄道界。蓋今山西太原古亦稱大夏（左昭元年傳）而此今河州東南境之大夏在其西。故古亦特稱之曰西夏。歟。穆王時西夏已亡。見逸周書史記解。則穆王殆逕行其故墟歟。傳文前記穆王西濟于河。爰有温谷樂都。地鄰西夏。則經逾西夏當在此際矣。珠余氏今不可考。後漢書西羌傳「河關之西南羌地濱於賜支。至乎河首。綿地千里。」水經註引「司馬彪曰西羌者。自析支以西。濱於河首左右居也。續漢書云「河關西可千

餘里有河曲。羌謂之賜支。賜支析支一也。卽黃河繞大積石之地。繞山曲折而行。故亦謂之河曲。自此析支以西綿地千里。則河首東距大積石有千里之遙。故後漢書西羌傳又稱羌西北接鄯善車師諸國。然則河首者無異於謂之河源也。古河源在今羅布泊阿斯騰塔嶺諸地。已詳前攷。蓋今阿斯騰塔嶺迤南之色爾騰平川諸地卽古河首之地矣。襄山不知是何山。以音以地望求之。襄殆卽崇吾之合音。卽山海經崇吾之山。自河首襄山以西南與傳文前言天子南升口之所居。爰有大木。碩草。爰有野獸。可以收獵云云。正合然自此而至春山。卽帕米爾山相距止七百。未免中有脫誤。據下文宗周至于西北大曠原之總結數萬四千里。而其上文逐段分記之數實止有萬三千三百里。少去七百里。有脫誤明矣。又傳文末言各行兼數三萬有五千里。各行兼數者猶言往還行程合計之總數也。亦浮計一萬一千里不知何故。然竹書

謂王母西征還。履天下億有九萬里。與此穆傳各行兼數三萬有五千。里之文。又大相逕庭矣。要之數字上之表示。甚易訛誤。可措勿論。而地理上之攷。審則今古同符。大較瞭如。故穆天子傳記事之徵實。決非出於僞托。可無疑也。

愚作茲攷。既竟而不禁歎言曰。此吾民族與西方之陸路交通史也。第即此而觀。吾民族已不僅歷史之古。世界無與倫比。即歷史上之光榮。亦將無與倫比也。已乃自穆王繼黃帝堯禹西征而後。嗣穆王而興者。無人焉。則又何吾民族之不競也。祭公謀父曰。先王耀德不觀兵。宰孔曰。齊侯不務德而勤遠略。嗚呼。德者何謂也。則德者得也。天子得天下。諸侯得國。古有竊國之喻。竊賊既得之。患失之不敢出國門一步。此所以穆王而後無嗣蹤也。此吾民族不競之原因一也。漢人司馬遷作史記於五帝本紀則云。百家言黃帝。其文不雅馴。薦紳先生

難言之。於大宛列傳則更大放厥詞曰。禹本紀言河出崑崙。今張
騫窮河源。惡覩所謂崑崙者乎。又曰。禹本紀山海經所有怪物。余
不敢言。此老宏識孤懷。功在藝林不少。然於此等處。獨不能爲之恕。
則未免尸居刑餘。陽氣消沮。信口開河。言不由衷。舉先聖之偉績。付諸
一筆之抹倒。先聖累世強行之而不足。被彼一言藐侮之而有餘。開後
世文人輕薄之漸。其罪豈少也哉。此吾民族不競之原因二也。爾後譙
周亡國奴。至不信西域有西王母國。而近世專制淫威之君主。又防民
心之外逸。惡英物之醜。已足不出闔閭一步。而口詡超漢軼唐之盛業。
於是無恥之小人。儒認賊作父。且爲改毀古事。藉資媚事。紛飾有如前
清四庫提要。列山海經。穆天子傳。二書於丙部之小說類中。此不尤可
見專制君主及輕薄文人二者。實皆喪盡吾民族之光榮。歷史者耶。今
也。共和告成。專制君主已矣。而輕薄文人不識。猶有幾何人在也。然愚

固深幸。夫數千年來。湮沒而不彰之光榮。歷史一旦復大彰。重放無上之光榮。於天壤間。縱至可珍寶。如禹本紀諸書。今已盡亡。而天猶留穆傳一書。以保證吾民族之光榮。歷史也。所賜不已多乎哉。昔先秦百家。往往謳歌唐虞三代。由今觀之。彼等去古至近。深知光榮之歷史。故其謳歌也。誠非無的而放矢。至若漢唐以還之經術科名。一面剷除光榮之歷史。一面謳歌唐虞三代。其謳歌也。眞焚書之變相耳。聞之近世教育學者。有言曰。人類之本質。在於活動。倫理學者亦言曰。人類之目的。在於活動。大哉活動。由前則天性之使人不得不活動也。由後則人事之使人不可不活動也。夫惟吾先民之能大活動。故有光榮之歷史。能與他民族交通。夫惟吾民族之劣變而不喜活動。且詆毀活動。故幾亡光榮之歷史。結果陷於閉塞。閉塞者滅亡。交通者興強。二者何去何從。惟吾民之今日。猶足自擇也。傳曰。五帝官天下。三王家天下。雖官天下。

之黃帝堯禹西征而無後災。而有民族思想之穆王西征而幾不保其家。天下之私。後世引爲大戒。然而今之共和大同盛制。雖大總統遊歷各國亦無所妨。且吾民族向外發展之心理。亦將繼今而大起。則自今以往。非吾民族繼續其光榮之歷史而發揮本來面目之時代。耶。世多民族思想之君子。其亦將有感於愚之斯言。若猶或有終疑邃古之事未足信者。則其人之思想。又爲何如。

穆天子傳自晉郭璞作傳以來。攷證之盛。如有清一代。亦鮮詳攷者。檀萃註疏博而多謬。呂吳調陽之校釋。強古就我。惟最近蔣觀雲先生之中國人種考。釋及春山之澤一事。最爲確鑿。然此外則缺如也。愚撰茲攷。既竟。復在日京帝國圖書館。遍搜漢籍。及日人攷古者之所著。更無如愚茲之詳攷者。其尙有陳逢衡之穆天子傳補註。林春溥之竹柏山房亦有所攷證。此類書不一。昔均見過。

今一時無從借檢。應須參攷。俟諸異日附議。

本書提要

一 鄗國在今山西歸綏道。

二 澡澤即水經註之沙陵湖。今歸綏道圖爾根河下流之澤。

三 陽紆山即古陽山。今河套北岸之達德爾諸山。

四 河宗之邦據唐人說西北跨今河套外東南跨今山西嵐縣。

五 溫谷樂都在古湟水。今甘肅西甯府之西甯河左右。然有疑問。

六 積石即今青海之大積石。上古當東西交通孔道之衝。

七 山海經之參吾山當爲今之巴顏哈喇山。帝之搏獸之邱在其西。

八 崑侖四陲出水。河水出東北陲。出今新疆焉耆府及青海境內。赤

水出東南陲。即今大江上源。弱水青水出西南陲。即今西藏之鴉魯藏布江喀喇烏蘇江。二水。洋水黑水出西北陲。即今喀什噶爾。

河及哈喇哈什河合流而成塔里木河。

九 山海經弱水之淵即今前後藏之鴉魯藏布江附近諸湖泊。

十 山海經之炎火山即今新疆之火山。

十一 古崑崙之眞身即今新疆之托古茲達阪。

十二 古赤水即今大江初源上古亦當東西交通孔道之衝。

十三 水經註黃帝宮即阿耨達宮之說不確。

十四 春山即今帕米爾大山春山之澤即今哈拉庫勒湖蔣觀雲先

生中國人種攷之說甚確。

十五 赤烏氏春山即帕米爾大山偏西之一部帕米爾山左右爲上古

著名之美人產地西方美人詞非虛構或足爲上古知母不知

父即原始社會之證據又或足供帕米爾高原爲人種高天原

說之參攷。

十六 周后稷之葬地在今新疆喀什噶爾之地。

十七 周人支庶東封今三韓西封今帕米爾山之西部。

十八 羣玉山即今之和闐。

十九 古泐水即黑水即今塔里木河其下流爲泐澤即今羅布泊。

二十 塔里木河即魏書唐書之達利水。

二十一 漢書西域傳之葱嶺河爲河源說不成立。

二十二 古黑水有三一即今塔里木河一即今黑龍江一即今瀾滄

江。

二十三 古水道經行有穿山過海之特例殆視爲有神力。

二十四 長股國爲有辮子之北方同族疑上古席地而坐之華人本

矮小。

二十五 鐵山崆山皆即今葉爾羌之密爾岱山丹水即密爾岱泉自

古即當東西交通孔道之衝。

二十六 樂野即山海經大樂之野。又名天穆之野。今布哈爾地。

二十七 西王母之邦。古稱沃民國。亦稱三危國。今波斯地。證據極多。一部山海經止有一沃民國產白木爲第一要證。古大夏之西崑崙之陰。即今波斯爲第二要證。羣玉山以西三千里之里數爲第三要證。

二十八 西王母居石城金室。卽西式洋房。且產白玉瑄。爲上古西方文明國。然猶在人獸雜處時代。是奇事。

二十九 西王母豹尾虎齒。爲一種之儀式。卽今假面具。

三十 古神仙地。西王母之都居。當在今波斯舊京之伊。斯。巴。亨。

三十一 古不死之地。有新舊二邦。舊者在今新疆。新者當在今波斯。

三十二 崑崙有狹義之崑崙。指今新疆之托古茲達阪。有廣義之崑

崙。通。今。阿。富。漢。波。斯。之。高。地。而。言。

三十三

山。海。經。西。王。母。居。玉。山。當。舊。居。今。之。新。疆。

三十四

西。王。母。必。西。方。之。女。曾。當。在。神。權。時。代。而。稱。神。

三十五

西。王。母。謠。詞。合。於。今。波。斯。舊。京。伊。斯。巴。亨。之。天。象。

三十六

穆。王。歌。稱。東。土。西。王。母。稱。西。土。東。西。敵。體。對。稱。

三十七

中。國。古。代。神。農。黃。帝。堯。禹。之。四。境。東。至。今。日。本。朝。鮮。西。至。今。

波。斯。南。至。今。越。南。北。至。今。外。蒙。之。肯。特。山。

三十八

中。國。古。四。言。詩。之。語。式。通。用。於。異。種。族。之。間。

三十九

西。北。大。曠。原。包。有。今。之。裏。海。黑。海。高。架。索。山。諸。地。山。海。經。之。

大。澤。方。千。里。即。黑。海。

四十

周。穆。王。東。歸。道。渴。於。今。土。耳。其。斯。坦。之。間。

四十一

長。湫。當。即。今。天。山。

四十二 發見重醜氏爲世界最古之玻璃製造國。

四十三 發見今新疆之焉耆哈密當皆上古玻璃之產地故今外國人以玻璃爲支那人之發明物。

四十四 巨蒐氏即渠搜族居今蒙古。不如今世之荒瘠。

四十五 西夏氏當在今甘肅河州東南境之接狄道界。

四十六 河首囊山皆在今青海。河首北接新疆焉耆。囊山疑即崇吾

山之對音。

四十七 本攷之作。自認發見上古三代無上之光榮歷史。破除漢唐以來文人之陋見。重開今後歷史之生面。一新國民閉塞腐敗之精神。

四十八 本攷爲上古西方陸路交通史之好材料。

穆天子傳西征今地攷

